



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

GIREIDI YA 12

TSHIVENDA LUAMBO LWA HAYANI (HL)

BAMMBIRI LA VHUVHILI (P2)

LARA 2019

MARAGA: 80

TSHIFHINGA: Awara $2\frac{1}{2}$

Bammbiri ili li na masiatari a 24.

NDAELA NA MAFHUNGOTHANGELI

1. Ni humbelwa uri ni vhale siatari ili nga vhuronwane ni sa athu u fhindula mbudziso.
2. Ni songo vhuya na edzisa u vhala bammbiri lothe. Tolani thebulu ya zwi re ngomu kha siatari la 4 ni swaye nomboro dza mbudziso dzo vhudziswaho kha zwibveledzwa zwe na guda uno riwaha. Nga murahu ha izwo, vhalani mbudziso idzo ni nange dzine na tama u dzi fhindula.
3. Bammbiri heli li na KHETHEKANYO THARU:

KHETHEKANYO YA A:	Vhurendi	(30)
KHETHEKANYO YA B:	Nganea KANA Folukuloo	(25)
KHETHEKANYO YA C:	Dirama	(25)

4. Fhindulani MBUDZISO THANU dzo fhelela: THARU kha KHETHEKANYO YA A, NTHIHI kha KHETHEKANYO YA B na NTHIHI kha KHETHEKANYO YA C nga ndila i tevhelaho:

KHETHEKANYO YA A: VHURENDI

VHURENDI HO RANDELWAHO – Fhindulani mbudziso MBILI. VHURENDI VHU SONGO RANDELWAHO – Mbudziso ya KHOMBEKHOMBE.

KHETHEKANYO YA B: NGANEA KANA FOLUKULOO

Fhindulani mbudziso NTHIHI. I nga vha Nganea kana Folukuloo.

KHETHEKANYO YA C: DIRAMA

Fhindulani mbudziso NTHIHI.

5. KUNANGELE KWA PHINDULO KHA KHETHEKANYO YA B (NGANEA kana FOLUKULOO) NA YA C (DIRAMA):

- Fhindulani mbudziso FHEDZI dza kha nganea/folukuloo na kha dirama dze na guda.
- Fhindulani MBUDZISO NDAPFU NTHIHI na MBUDZISO PFUFHI NTHIHI. Arali na fhindula mbudziso ndapfu kha KHETHEKANYO YA B, ni fanela u fhindula mbudziso pfufhi kha KHETHEKANYO YA C. Arali na fhindula mbudziso pfufhi kha KHETHEKANYO YA B, ni fanela u fhindula mbudziso ndapfu kha KHETHEKANYO YA C.
- Shumisani mutesvhe wa u sedzulusa uri u ni thuse.

6. VHULAPFU HA PHINDULO

- Mbudziso ndapfu ya Vhurendi i tea u fhindulwa nga maipfi a u bva kha a 250 u ya kha a 300.
 - Mbudziso ndapfu dza khethekanyo ya Nganea/Folukuloo na ya Dirama dzi tea u fhindulwa nga maipfi a u bva kha a 400 u ya kha a 450.
 - Vhulapfu ha phindulo dza mbudziso pfufhi vhu tea u langwa nga maraga dzo nekedzwaho/avhelwaho. Phindulo dza vhalingiwa dzi tea u pfufhifhadzwa dza dovha dza livhanywa.
7. Tevhedzani ndaela dzo nekedzwaho mathomoni a KHETHEKANYO INWE na INWE nga vhuronwane.
8. Nomborani phindulo dzañu kokotolo maelana na mutevhe wa u nombora wo shumiswaho kha ili bammbiri la mbudziso.
9. Thomani KHETHEKANYO INWE na INWE kha siatari LISWA.
10. Ndangatshifhinga yo anganywaho:
- KHETHEKANYO YA A: I anganyelwa u swika kha minetse ya 40
KHETHEKANYO YA B: I anganyelwa u swika kha minetse ya 55
KHETHEKANYO YA C: I anganyelwa u swika kha minetse ya 55
11. Nwalani nga vhudele, nahone zwi vhaleaho.

THEBUŁU YA ZWI RE NGOMU**KHETHEKANYO YA A: VHURENDI****Vhurendi ho ranelwaho/vhonwaho: Fhindulani mbudziso MBILI DZIŃWE na DZIŃWE.**

NOMBORO YA MBUDZISO	LUSHAKA LWA MBUDZISO	MARAGA	NOMBORO YA SIATARI
1. 'Mulondo wa lufu'	Mbudziso ndapfu	10	6
2. 'Mbilu i lilela u gavha!'	Mbudziso pfufhi	10	7
3. 'A si ene'	Mbudziso pfufhi	10	8
4. 'Ntendele ndi vhe tsumbandila'	Mbudziso pfufhi	10	9

NA**Vhurendi vhu songo ranelwaho/vhonwaho: Mbudziso ya KHOMBEKHOMBE.**

5. 'Ngoho ndo zwi vhona'	Mbudziso pfufhi	10	10
--------------------------	-----------------	----	----

***PFESESANI:** Fhindulani MBUDZISO NDAPFU NTHIHI na PFUFHI NTHIHI. Arali na fhindula mbudziso ndapfu kha KHETHEKANYO YA B, ni tea u fhindula MBUDZISO PFUFHI u bva kha KHETHEKANYO YA C. Kha KHETHEKANYO YA B na KHETHEKANYO YA C, fhindulani mbudziso nthihi-nthihi u bva kha KHETHEKANYO iwe na iwe.

KHETHEKANYO YA B: NGANEA/FOLUKULOO**NGANEA: Fhindulani mbudziso NTHIHI u bva kha NGANEA dzo ranelwaho.**

6. <i>Nandi ndi shenga?</i>	Mbudziso ndapfu	25	12
7. <i>Nandi ndi shenga?</i>	Mbudziso pfufhi	25	12
8. <i>Isha la Mitodzi</i>	Mbudziso ndapfu	25	14
9. <i>Isha la Mitodzi</i>	Mbudziso pfufhi	25	14

KANA**FOLUKULOO: Fhindulani mbudziso NTHIHI u bva kha FOLUKULOO yo ranelwaho.**

10. <i>Khuvhanganyo ya folukuloo</i>	Mbudziso ndapfu	25	16
11. <i>Khuvhanganyo ya folukuloo</i>	Mbudziso pfufhi	25	17

KHETHEKANYO YA C: DIRAMA**Fhindulani mbudziso NTHIHI fhedzi u bva kha dirama dzo ranelwaho.**

12. <i>U lema hu fhira u lotshelwa</i>	Mbudziso ndapfu	25	19
13. <i>U lema hu fhira u lotshelwa</i>	Mbudziso pfufhi	25	19
14. <i>Tshilwavhusiku</i>	Mbudziso ndapfu	25	22
15. <i>Tshilwavhusiku</i>	Mbudziso pfufhi	25	22

***PFESESANI:** Kha KHETHEKANYO YA B na YA C, fhindulani MBUDZISO NDAPFU NTHIHI na MBUDZISO PFUFHI NTHIHI.

A ni tei u fhindula mbudziso ndapfu MBILI kana mbudziso pfufhi MBILI.

MUTEVHE WA U SEDZULUSA

Shumisani uyu mutesvhe wa u sedzulusa uri ni vhe na vhutanzi ha uri no fhindula tshivhalo tsho teaho tsha mbudziso nga u vhea luswayo ho teaho.

KHETHEKANYO	MBUDZISO	TSHIVHALO TSHA MBUDZISO DZO TEAHO U FHINDULWA	LUSWAYO (✓)
A: Vhurendi (Vhurendi ho randelwaho/ vhonwaho)	1–4	2	
A: Vhurendi (Vhurendi vhu songo randelwaho/vhonwaho)	5	1	
B: Nganea/Folukuloo (Mbudziso ndapfu kana Mbudziso pfufhi)	6 –11	1	
C: Dirama (Mbudziso ndapfu kana Mbudziso pfufhi)	12–15	1	

***PFESESANI:** Kha KHETHEKANYO YA B na YA C, ni tea u vha na vhutanzi ha uri no fhindula mbudziso NDAPFU NTHIHI na PFUFHI NTHIHI.
A ni tei u fhindula mbudziso ndapfu MBILI kana mbudziso pfufhi MBILI.

KHETHEKANYO YA A: VHURENDI**VHURENDI HO RANDELWAHO/VHONWAHO**

Fhindulani mbudziso MBILI dziñwe na dziñwe kha NNA dzo vhudziswaho.

MBUDZISO YA 1: VHURENDI – MBUDZISO NDAPFU

Vhalani tshirendo itshi nga vhuronwane ni kone u fhindula mbudziso i tevhelaho.

MULONDO WA LUFU – WMR Sigwavhulimu

- 1 Mimuya ya vhatu vho felaho tshipfundamuyani tsha Kitwe,
 2 Sa buluvhutsi la tshikegulu,
 3 I vhimbila miedzini ya Rhodesia,
 4 I toda haya hu orotshelaho vhothe vho kundwaho.
- 5 Mukumo mulondoni wa Kitwe,
 6 Ndi thabelo i si na vhuelo,
 7 Thabelo ya vhanna vho imaho nga huswi
 8 U gwa malasha a u dzingadza mimuya yo guguvhalaho.
- 9 Rothe ro denengedzwa nga Tshanda tshi si na vhuelo;
 10 Tshanda tshi tshidzaho nga u tevhula
 11 Phangami na tsalamurahu,
 12 Lwendoni lwa khunyeledzo ya Mulayo.
- 13 Khombo yo ni welaho a i tinywi.
 14 Ndi u dihanedza ha u begwa,
 15 Tshine ra lilela a si lufu lwañu,
 16 Ndi vhutungu na tshengelo ye na i pfa.

Murendi kha itshi tshirendo u toða u bvisela khagala vhupfiwa hawe zwi tshi kwama vhatu vhe vha lovhela mugodini wa Kitwe musi u tshi tiba/dilika.

Nga maipfi a u bva kha a 250 u swika kha a 300, nwalani maanea ni tshi sengulusa ndila ye murendi a shumisa ngayo mutevhetsindo na ndima/zwitanza u bvisela khagala vhudipfi kha tshirendo itshi.

[10]

MBUDZISO YA 2: VHURENDI – MBUDZISO PFUFHI

Vhalani tshirendo itshi nga vhuronwane uri ni do kona u fhindula mbudziso dzi tevhelaho.

MBILU I LILELA U GAVHA – WMR Sigwavhulimu

- 1 Mbilu i dudumela i sa fhidzi,
- 2 I lingedza u gavha madzanga a shango,
- 3 Ya thenisa maya-vhuthu
- 4 Nga u u nyalisa vhutungu-phatho.

- 5 Mbilu sa miri ya deme.
- 6 I lwedzanaho u gavha tshilidzi tsha duvha,
- 7 Kha i vhanyuludze tserekanywa dza madzanga a shango
- 8 I lilele u gavha Tshilidzi tshidzo ya maya.

- 9 Mbilu yo pinikwa vhupulini ha nama,
- 10 I vhalavhala yo lianela dinzwini,
- 11 Mbilu sa dongololo yo katana kha mudifho wa shango
- 12 I do kundwa u swikisa mulaedza wa tshidzo.

- 2.1 Murendi o shumisa figara-de ya muambo kha mutualadzi/vese ya 1? Tikedzani phindulo yanu. (2)

 - 2.2 Ndi zwifhio zwine murendi a tama u zwi bveledza nga mutualadzi/vese ya 2? 'I lingedza ... a shango' (2)

 - 2.3 Ndi ufhio muhumbulo muhulwane une murendi a tama u u bveledza nga tshirendo itshi? (2)

 - 2.4 Ndi vhu-dipfi vhufhio ha murendi vhu dzumbululwaho nga ndima/tshitanza tsha 3? (2)

 - 2.5 Ni a tendelana na na kuhumbulele kwa murendi ku wanalahlo kha ndima/tshitanza tsha 2? Tikedzani phindulo yanu. (2)
- [10]

MBUDZISO YA 3: VHURENDI – MBUDZISO PFUFHI

Vhalani tshirendo itshi nga vhuronwane uri ni do kona u fhindula mbudziso dzi tevhelaho.

A SI ENE – LR Ndlovu

- 1 Nelson Mandela na khathihi a si ene
 2 Wa u do nusa lushaka luno sa lutshetshe
 3 A lu unda lwone lwo pfuna tshisenga
 4 Ngauri wawe wa mbofholowo mushumo o vuledza.
- 5 Thabo Mbeki na ene a si ene
 6 Wa u do lima masimu rine vhané ro edela
 7 Zwikhani zwashu a gobela tshelede
 8 Ngauri zwawe ndi u ri sumba ndila.
- 9 Matamela Ramaphosa na ene a si ene
 10 Wa u do fhanzhela musuku na maseha zwikwamani zwa vhatshili
 11 Ngeno ro pfuna tshilashu sa nowa murunzini tshilimo
 12 Ngauri tshawé ndi uri na rine ri didine-vho.
- 13 Murangi kana phuresidennde na ufhio a daho a si ene
 14 Wa u do rindela vhadzulapo tshiunza tsha dipitipi
 15 Ndayotewa, kereke na madzangano a polotiki a si zwone
 16 Zwa u do bambedza vhatshili ditimbuni la dotshidotshi.
- 17 Zwino ene-ha ndi nnyi arali avha vhe si vhone
 18 Ene ndi iwe muñe ane wa vha ene-ene
 19 Ane mbofho dzi vhofhaho mvelaphanda a pfuñulula
 20 Vhunga ndayotewa i tshi tuwedza u dishumela na u diambela.

- 3.1 Murendi o shumisa figara-de ya muambo nga maipfi 'a si ene', nahone ndi zwifhio zwine a toda u swikisa kha muvhali? (2)
- 3.2 Ndi zwifhio zwine murendi a tama u zwi bveledza nga mutualadzi/vese ya 4?
 'Ngauri wawe ... o vuledza.' (2)
- 3.3 Ndi ufhio muhumbulo muhulwane une murendi a tama u u bveledza nga tshirendo itshi? (2)
- 3.4 Ndi vhudipfi vhufhio ha murendi vhu dzumbululwaho nga ndima/tshitanza tsha 3? (2)
- 3.5 Ni a tendelana na na kuhumbulele kwa murendi ku wanalahlo kha ndima/tshitanza tsha 2? Tikedzani phindulo yanu nga mbuno MBILI. (2)

[10]

MBUDZISO YA 4: VHURENDI – MBUDZISO PFUFHI

Vhalani tshirendo itsi nga vhuronwane uri ni do kona u fhindula mbudziso dici tevhelaho.

NTENDELE NDI VHE TSUMBANDILA – FR Modau

- 1 Ntendele ndi vhe tsumbandila
- 2 Sa unga nne ndi lizhakandila lo no vhonaho
- 3 Tombo li tshi mela midzi – tenda u vha mutshila!
- 4 Fulufhela nne ndo ponyaho
- 5 Mililo yothe nda dzima zwa ya na vhusula
- 6 Dipfundise u ile zwa madzanga a zwi fheli
- 7 O vhalaho bugu u do hurana na ludzula.
- 8 Zwivhili two piringedzaho thondo ino zwi sa mwemweli
- 9 Zwiraru two i sikelaho vhida ma yo pundisa
- 10 U konyolela matanda ndevheni tshivhangalala
- 11 Mphorosi muga sambitsolo u pulisa
- 12 U sa thonifha vhabebi na vhothe vhalala
- 13 Kha ndado yo vhofhaho vhaswa vha murafho uno
- 14 Mvalo dzavho kha dici vha sengise lufuni luno.

- 4.1 Ndi figara-de ya muambo ye murendi a i shumisa kha mitaladzi/vese ya 14? Tikedzani phindulo yanu. (2)
 - 4.2 Talutshedzani zwine murendi a tama u ri vhudza nga mitaladzi/vese ya 2.
'Sa unga ... no vhonaho' (2)
 - 4.3 Ndi ufhio muhumbulo muhulwane une murendi a todha u u bveledza nga tshirendo itsi? (2)
 - 4.4 Ndi vhudipfi-de ha murendi vhu bvukululwaho nga mitaladzi/vese dza 10–12?
'U konyolela ... vhothe vhalala'. Tikedzani phindulo yanu. (2)
 - 4.5 Ni a tendelana na na kuvhonele kwa murendi ku re kha mitaladzi/vese ya 6–7? Tikedzani phindulo yanu nga mbuno MBILI. (2)
- [10]

NA

VHURENDI VHU SONGO RANDELWAHO/VHONWAHO (MBUDZISO YA KHOMBEKHOMBE)

MBUDZISO YA 5: VHURENDI – MBUDZISO PFUFHI

Vhalani tshirendo itshi nga vhuronwane uri ni \ddot{d} o kona u fhindula mbudziso dzi tevhelaho.

NGOHO NDO ZWI VHONA – W Silidi

- 1 Ngoho a nne ma \ddot{o} o zwi vhona,
2 O zwi vhona a zwi vhonesa,
3 U ri kha vhune ra tshila khaho,
4 A hu na nzhinga,
5 A hu na khwese.
- 6 Ngoho ndo zwi vhona thambuloni,
7 Uri lufu ndi yone mboho i vhusaho,
8 Mboho i si na tsadzi ngayo,
9 I vhusaho yo \ddot{d} iinga maanda mahulu,
10 Maanda a wisaho na mbondo khulwane.
- 11 Ndi ifhio tsiwana ye tshikolo ya shavha,
12 I tshi i \ddot{d} o ponyoka vhuhali ha lufu,
13 Ndi ufhio we pfunzo a phasa dza u fhedza,
14 A tshi u \ddot{d} o pfi muvhuya matoni a lufu?
15 Ngoho ndo zwi vhona, lufu $\dot{l}u$ a vhusa.
- 16 Tsiwana kana mupfumi,
17 Muhali kana goswi,
18 Vho \ddot{t} he vha luvha huthihi,
19 A $\dot{h}u$ na kwae,
20 Vho \ddot{t} he vha a fana.
- 21 Ngoho ndo zwi vhona tsho \ddot{t} he,
22 Mboho i vhusaho a i na mupikisi,
23 Ya pina zwinzhi zwi a tshinyala,
24 Ngoho ndo zwi vhona.

5.1 \ddot{T} alutshedzani zwine murendi a tama u zwi bvisela khagala nga mitaladzi/vese ya 4 na ya 5.

'A hu na ... na khwese.'

(2)

5.2 Sedzulusani mataladzi/vese ya 7 he murendi a shumisa ipfi 'mboho'.
 \ddot{T} alutshedzani ndeme ya ipfi $\ddot{i}lo$ afho he $\dot{l}a$ shumiswa. (2)

5.3 Vhalani ndima/tshitanza tsha 3.

Ndi ifhio ndivho ine murendi a khou ḥoda u i bveledza nga tshitanza/ndima iyi? (2)

5.4 Sedzani mutualadzi/vese ya 15.

'Ngoho ndo ... a vhusa.'

Murendi o shumisa thikho/thodea/thekheniki ifhio ya vhurendi ni dovhe ni sumbedze uri ndi ngani o i shumisa nga u ralo? (2)

5.5 Nga kuvhonele kwaṇu, ni a ima na na zwine murendi a khou amba kha ndima/tshitanza tsha 4? Tikedzani phindulo yaṇu nga mbuno MBILI. (2)

[10]

THANGANYELO YA KHETHEKANYO YA A:

30

KHETHEKANYO YA B: NGANEA/FOLUKUŁOO

Fhindulani mbudziso NTHIHI i bvaho kha nganea kana folukuloo ye na guda FHEDZI.

NGANEA***NANDI NDI SHENGA? – NE Sigogo***

Fhindulani MBUDZISO YA 6 (mbudziso ndapfu) KANA MBUDZISO YA 7 (mbudziso pfufhi).

MBUDZISO YA 6: *NANDI NDI SHENGA? – MBUDZISO NDAPFU*

Siangane na fhethuvhupo zwi na ḥuthuwedzo khulwane zwi tshi kwama kutshilele kwa vhathu.

Nga maipfi a u bva kha a 400 u ya kha a 450, nwalani maanea ni tshi khou sengulusa ndila ye siangane na fhethuvhupo zwa ḥutuwedza ngayo kutshilele kwa Vho-Madilaga na Vho-Luvhani buguni iyi.

[25]

MBUDZISO YA 7: *NANDI NDI SHENGA? – MBUDZISO PFUFHI*

Vhalani tshipida tsha mafhungo tshi bvaho buguni iyi uri ni do kona u fhindula mbudziso dzi no tshi tevhela.

TSHIBVELEDZWA TSHA A

Vho-Luvhani zwino vha tshi pfa zwine mukalaha wavho vha khou amba, zwa tou vha tsikeledza vhukuma. Linwe line la khou tou vha dina vhukuma ndi la Vho-Madilaga line vha ri vha ambe uri hanihani ngeno vhe musadzi wa vhanā vhararu vha songo zwi ḥivha uri vho ḥihwala. Vho-Luvhani vha khou tou zwi ḥivha uri khuvha afha mudini a hu tsha do dovha ha tandwa li no fukwa. Havha Vho-Madilaga ndi muthu wa u dobedza tsikidzi vhukuma. Havha Vho-Madilaga na mufumakadzi wavho Vho-Luvhani, vha na vhana vhavho vhararu, vhatukana vhavhili na musidzana muthihi onoyo muhulwane.

Nga murahu ha vhege mbili, Vho-Luvhani vho da vha vhudza mukalaha wavho uri khonani yavho Vho-Tshianeo ndi mudzadze vho wana nwanwa vhutanu na vhuthihi. Hezwi vha tshi tou ralo, Vho-Madilaga vho mbo di dzhia ila khaphu ya tie ye vha vha tshi khou nwa ngayo, vha mbo di i posa fhasi ya pwashokana ngeno tie yo tevhukana henehlo fhasi.

'Luvhani! Luvhani! Hezwi zwe nda ita heyi khaphu, ndi do zwi ita inwi ni a ḥivha! Ni khou ntsilinga nga zwiambro zwaṇu. Kani nazwino inwi ni tshi ita thumbu iyi ni khou tou tama zwenezwo zwine zwa khou itwa nga khonani dzanu? Ni a ḥivha, muthu a nga si tende uri ni mugudisi wa vhana tshikoloni lini. Muthu u do zwi tenda hani arali ni tshi balelwa nga u tou ita zwine na amba? Ndi tshi ri vhana vho lingana, inwi ni khou ntendela ngeno ni tshi khou zwi ḥivha uri inwi ni kha di isa phanda. Ni khou nndina ni a ḥivha?' 15 20

Ngoho ano mađuvha vhutshilo vhu khou dunga vhukuma hafha mudini. Vho-Luvhani vha tshi sedzwa vha vho tou zwondololwa nahone vha tshi khou nyaliwa.

Liňwe duvha zwenezwi vho di didzulela zwavho vhe vhavhili, ndi hone Vho-Luvhani vha tshi amba.

'Ndi amba khotsi a vhananga,' vha khou amba izwi zwenezwi vha tshi khou endela u avha zwiliwa henefha dafulani.

'Ambani, ndo thetshelesa.' Ndi vhone Vho-Madilaga vha sa sedzi avha mufumakadzi wavho mađoni, vha khou ita na u tou vhuisa na lukovhi.

'Nñe ndi khou todou tou vha vhudzisa uri vhone vho tou sinyutshela zwenezwi 30 zwauri nñe a tho ngo ita zwavhuđi fhedzifhedzi?' Vho-Luvhani vha amba vho tou vha sedzavho mađoni enea ane a khou vha sinalala.

'Arali nda ri ee ni do ita mini?'

'Vhone vha tshi ri ee, nñe tshire nda do ita a tshi nga vhi hone, hone, ndi do tama 35 ri tshi amba ra isa phanda.'

'Ndi do amba arali zwi tshi ambea, hone nda pfa zwi sa dadzi mudziyo a thi nga do zwi amba. Ambani ndo thetshelesa.'

[Ndima ya 1]

- 7.1 Mafhungo e na vhala afho nthā a bvisela khagala u thoma ha thaidzo. Talutshedzani uri thaidzo iyo yo vhangwa nga mini. (2)
- 7.2 Mafhungo ayo e na vhala a thusedza hani u anetshela zwa phanda kha iyi nganea? (2)
- 7.3 Vho-Madilaga vho tanwa sa muthu-de mafhungoni aya a re afho nthā? Bulani ZWIVHILI. (2)
- 7.4 Ndi tshini tshihulwane tsho vhangaho khudano mafhungoni a bugu iyi? Bulani na lushaka lwa iyo khudano. (2)
- 7.5 Sumbedzani tshanduko ya lishandi yo bvelelaho kha Vho-Madilaga nga murahu ha musi Tshifhiwa o no phasa pfunzo dzawe. (2)
- 7.6 Vhupo ha Tshandebvu vhu tutuwedza hani kutshilele kwa Vho-Ana? (2)
- 7.7 Ni vhona mathakheni a bugu iyi a tshi fusha? Tikedzani phindulo yanu. (2)
- 7.8 Talutshedzani muhumbulo muhulwane une muriwali a tama u u bveledza nga mafhungo a bugu iyi. Tikedzani phindulo yanu. (3)
- 7.9 Kutshilele kwa Vho-Madilaga ku fhambana hani na kwa Vho-Luvhani mafhungoni a nganea iyi? Dovhani ni sumbedze nga mbuno i pfalaho uri ni takalela ufhio. (3)
- 7.10 Ni a tendelana na na kuhumbulele kwa Tshifhiwa musi a tshi tendela khotsi awe uri vha mu fheletshedze musi a tshi ya u ambara gaweni lawe la pfunzo ngei Germany? Tikedzani phindulo yanu. (2)
- 7.11 Nga mbuno THARU, ndi zwifhio zwe na vha ni tshi nga ita arali no diwana ni kha nyimele ye Vho-Maambavhainiwe vha diwana vhe khayo ngei sibadela? (3)

[25]

ISHA LA MITODZI – NE Phaswana

Fhindulani MBUDZISO YA 8 (mbudziso ndapfu) KANA MBUDZISO YA 9 mbudziso pfufhi).

MBUDZISO YA 8: *ISHA LA MITODZI – MBUDZISO NDAPFU*

Siangane na fhethuvhupo zwi na thuthuwedzo khulwane zwi tshi kwama kutshilele kwa vhathu.

Nga maipfi a u bva kha a 400 u ya kha a 450, nwalani maanea ni tshi khou sengulusa ndila ye siangane na fhethuvhupo zwa tutuwedza ngayo kutshilele kwa vha muta wa Vho-Loshani na muta wa Aifheli Tshipate.

[25]

MBUDZISO YA 9: *ISHA LA MITODZI – MBUDZISO PFUFHI*

Vhalani tshipida tshi tevhelaho tsho bviswaho buguni iyi uri ni do kona u fhindula mbudziso dzi no tshi tevhela.

TSHIBVELEDZWA TSHA B

'Kha vha vhone, vhone vha bva fhasi hangei Masisi; ngeno riñe ro davhuka ri tshi bva Fefe hangei; vhushaka hashu zwino vhu da hani?' Hu vhudzisa Vho-Aifheli. 'Nne ndi ri hezwo zwi dihwa nga vhomakhulukuku. Nne nga dzanga ndi nga si malelane na vhoiwe ngauri nne ndi vhidzwa khotsimunene. A thi koni u tulela shango. Vhudzani havha vhana zwauri sa izwi nne ndi khotsimunene wa 5 Tshipate, a vho ngo tea u tanganya malofha; zwi a ila ndi hone u tulela shango. Ndi muila hoyo. Ni songo shavha u vha vhudza. Arali ni tshi shavha u vhudza vhana ngoho ine vha fanela u i divha, vha vhudzeni vha de kha nne; ndi mbabvu dzashu ro tou beba.'

Vho-Aifheli a tshi pfa mafhungo a hone a tshi vho peamela khavho, hu tshi vho 10 pfi a vha vhudzi vhana ngoho, vha pfa na ngoho vho xa mufuvha. Vho wana hu si tshee na zwiwe, ho tou sala hone u onesa vha bva vha fhela.

Musi vhe goloini, vha vhonala vha tshi dzungudza thoho vho dzungudza. A hu na tshi vha koraho mbilu nga nnda ha mafhungo haya ane vhe u a sedzulusa vha wana zwi tshi nga vhathu vha khou tou bvafha u humbula.

Vho-Aifheli vho vha vho humbula uri vha do ri musi vha tshi tou ri mafhungo ayo kha Vho-Loshani de, hu do tou vha huuri nangoho vho swikelela tshothe; matsina hai, vho mangala vha tshi vho rahiwa nga milenzhe ya murahu sa donngi. Zwithu zwa hone vho wana zwi tshi vha tanganya thoho. U swika hayani vha tou ri dzuli-dzuli na mukegulu, vha fhedza vho fhirela kamarani yavho; vha ganama ntha ha mmbete dzi si na vhusiwana dza mbo di vha doba. Vho-Maria vhone vho vha vha tshi vhonala vho tou fhomolowa na thaha hedzi. Mafhungo a havha vhana ha vha ladzi na zwitukutuku. Musi zwo no rali, vha vho zwi vhone zwauri vho wanala tshihuni, vhudzumbamo a hu na. Vha ri u humbula nga ha u dzula na vhana vha khotsi muthihi vho malanaho vha sa divhi uri vha dzikhaladzi, vha 20 wana vhutshiloni havho zwi nga si do bvelela. Vho-Maria vho humbula nga haya mafhungo vha fhedza vho divhudza zwauri vhuhulu vhuhadzi havho hu do tou mbwandamela; madzuloni a u tulela shango.

15

20

25

'Hu kanya shango li a zwi divha uri havha vhathu ndi dzikhaladzi. A sa divhi tshithu ndi vhenevha Vho-Aifheli vhane vha si n̄ee n̄devhe shango. Ngavhē vha 30 vhe vha u ralo, ndi musi tshilonda hetshi tsho ri u phulea, tsha vhavha tsha fhola. Zwino nga ngafhi, Vho-Aifheli a vha dzhii mafhungo a ndila. Nahone zwikotopola na kale a si muthu wazwo. N̄e a hu na zwiñwe, ndi do tou shavhela hayani hanga. Nahone mme anga vho di ri alusa vha vha si na khotsi ashu; na n̄e ndo lumbiwa nga zwenezwo. Ndi khwiñe u phulela Vho-Aifheli hetshi tshiphiri; nda 35 bva nda fhela fhano Tshipate.'

[Ndima ya 11]

- 9.1 Mafhungo e na vhala afho nthā, a sumbedza hu na thaidzo. Talutshedzani uri thaidzo iyo yo vhangwa nga mini. (2)
 - 9.2 Mafhungo ayo e na vhala a thusedza hani u anetshela zwa phanda kha iyiganea? (2)
 - 9.3 Vho-Loshani vho tanwa sa muthu-de mafhungoni aya a re afho nthā? Tikedzani phindulo yanu. (2)
 - 9.4 Ndi tshini tshihulwane tshine tsha khou vhanga khudano mafhungoni a buguni iyi? Bulani na lushaka lwa iyo khudano. (2)
 - 9.5 Sumbedzani tshanduko ya lishandi yo bvelelaho nga murahu ha musi Maria o no vhudza munna wawe uri Rotondwa ndi nwana wa Vho-Loshani. (2)
 - 9.6 Vhupo ha Folovhodwe vhu tutuwedza hani vhutendatenda ha zwa mvelele ho sedzwa two bvelelaho kerekeni ya Vho-Malabi? (2)
 - 9.7 Ni vhona mathakheni a bugu iyi a tshi fusha? Tikedzani phindulo yanu. (2)
 - 9.8 Ndi ufhio muhumbulo muhulwane une muñwali a tama u u bveledza nga mafhungo a bugu iyi? Tikedzani phindulo yanu. (3)
 - 9.9 Kutshilele kwa Aifheli ku fhambana hani na kwa Maria mafhungoni a nganea iyi? Dovhani ni tikedze nga mbuno i pfalahi uri ni takalela ufhio. (3)
 - 9.10 Ni a tendelana na na kuhumbulele kwa Maria kwa u vhudza munna wawe tshiphiri? Tikedzani phindulo yanu. (2)
 - 9.11 Ndi zwifhio zwe na vha ni tshi nga ita arali no diwana ni kha nyimele ye Maria a diwana e khayo ya u vhifhiswa muvhilini nga Vho-Loshani? Bulani ZWIRARU. (3)
- [25]

KANA

FOLUKUŁOO***KHUVHANGANYO YA FOLUKUŁOO – RV Tshikovhi***

Fhindulani MBUDZISO YA 10 (mbudziso ndapfu) KANA MBUDZISO YA 11 (mbudziso pfufhi).

MBUDZISO YA 10: *KHUVHANGANYO YA FOLUKUŁOO – MBUDZISO NDAPFU*

Maňwalwa a sialala a na mushumo wa u kaidza na u tsivhudza vhatu uri hu na zwithu two dzumbamaho zwine vha fanela u zwi thanyela ngauri vha sa ralo zwi nga vha dzenisa khakhathini.

No ḫisendeka nga zwibveledzwa zwa sialala zwi tevhelaho, khwathisedzani vhungoho ha likumedzwa ili:

TSHIBVELEDZWA TSHA C**LUNGANO**

- **Vhatukana vha no shanduka**
 - Havho vhatukana vho vha vho naka nga maanda.
 - Vhanna vha shanduka vha vha ndau.
 - Muvhuđa we no no vha tsini na u liwa.

NA

TSHIBVELEDZWA TSHA D**TSHIKHODO TSHA SIALALA**

- **Makwinda a Tshiungani**
 - Hu yiwa nga vhakololo vho tendelwaho fhedzi.
 - Lidzani tshikona nyamabuli i bvele vhatuni.

NA

TSHIBVELEDZWA TSHA E**MIRERO**

- Dangani ḥa fobvu a hu dzenwi.
- Funguvhu ḥo ri thilaiwi ḥa fhira mudi ḥo kovhela.

Vhulapfu ha maanea aňu vhu vhe u bva kha maipfi a 400 u ya kha a 450.

[25]

MBUDZISO YA 11: *KHUVHANGANYO YA FOLUKUŁOO* – MBUDZISO PFUFHI

Vhalani TSHIBVELEDZWA TSHA F na TSHIBVELEDZWA TSHA G nga vhuronwane uri ni do kona u fhindula mbudziso dzo disendekaho khazwo.

TSHIBVELEDZWA TSHA F: LUNGANO

VHANA VHA U SA PFA – TZ Ramaliba

'Salungano! Salungano!'

Ho vha hu na vhainwe mukegulu vhe vha vha vha tshi dzula na vhađuhulu vhavho vhavhili, wa mutukana na wa musidzana. Havha vhana vho vha vho da u dzula ha makhulu tshifhinga tshipfufhi. Vho vha vho da u dala. Ha swika hune vha ri vha todou humela hayani hu re na vhabebi vhavho. Makhulu vha vha vhidza vha ri: 5 'Vhaduhulu vhanga ndo livhuha no da u ndalela. Zwino ngauri ni khou huma ni tshimbile nga ndila tsekene ni songo tshimbila nga heila ndenya.' Vha ri vha lumelise vhabebi vhavho. Vha la vhana vha mbo di dzhena ndilani na zwenezwo. Vha swika hune ndila dza fhandekana, hune ha vha na iñwe tsekene na ndenya vha thoma u hanedzana. Musidzana a ri ri tuwa nga tsekene, mutukana a ri hai ri 10 tuwa nga ndenya. Ho mbo di kundwa wa tsekene vha fhedza vho tuwa nga ndenya.

Ndila ndenya yo vha i na daka lihulu li no ofhisia. Vho no vha vhukati ha daka vha tshenuwa phukha nnzhi dzo no vha phanda havho dzi tshi khou todou vha la. Vha tshi ri vha humele murahu vha wana dziniwe khedzi, vha ima henehfo 15 vhukati hadzo. Zwino hedzi la phukha dza gidimela dzi tshi todou vha la. Muvhuda wa vhidzelela wa ri: 'Hei ho-o-o-o! Vhahulwane vhanga, a vha zwi vhoneuri ro wana nama yavhudzi namusi? Zwi nga vha hani arali ra nga thoma ra lidza mbila ra tshina ri tshi khou takalela zwiliwa zwe ra fhiwa nga vhadzimu vha hashu.' Dziñwe phukha dza vhone li fhungo lavhudzi nga maanda. 20

Ha todia a no kona u lidza mbila. Uyo mutukana yo vha i mpho yaye ya u lidza mbila nahone o vha a tshi tshimbila nadzo o dzi fara. Muvhuda wa ri ndi a kholwa uri hoyu mutukana u a kona u lidza sa izwi e nadzo. Phukha dza pfanauri mutukana a lidze, mutukana a thoma u lidza a tshi khou imbelela khaladzi awe a tshi khou bvumela. Phukha dzothe dzo thoma dza ima dzi tshi khou thetshesela dza pfa luimbo lwa hone lu tshi khou takadza. Luimbo lwa hone lwo vha lu tshi elana na kulidzelwe kwa mbila, phukha dza thoma u tshina. Ho swika he ha dala buse, muvhuda wa gidimela hu re na ula mutukana wa ri: 'Inwi mutukana dzhiani riwana wa mme anu ni shavhe, mbila ndi do sala ndi tshi lidza na nne ndi a kona u lidza mbila.' Wa ri: 'Ndo ita hezwi zwithu ndi tshi khou todauri ni songo liwa nga hedzi phukha nahone ni songo tsha dovha na tshimbila nga hei ndila.' Wa ri: 'Mpheni mbila nga u tjavhanya ni tuwe nga u gidima.' 25 30

[Siatari la 24]

- 11.1 Sumbedzani tshiitisi tsho vhangaho u ri avha vhana vha pfuke ndaela ya makhulu wavho. (2)
- 11.2 Ndi ngafhi he muanetsheli a sumbedza vhuṭali ha muvhudu mafhungoni a lungano ulu? (2)
- 11.3 Ndaela ya makhulu i na vhushaka-de na zwe zwa bvelela vhukati ha lungano ulu? (2)
- 11.4 U shavha ha vha-la vhana vha si tsha liwa hu ḥana hani vhudipfi ha phukha? (2)
- 11.5 U humbelu u fhira phanda ha muvhudu musi u tshi ḥoda u vhulawa ho vha na ḥuthuwedzo-de kha u bveledza magumo a songo īavhelelwaho? (2)
- 11.6 Ndi ufhio muleadza une muanetsheli wa lungano ulwu a ḥoda u u pfukisela kha vhathetshelesi/vhavhali? (2)
- 11.7 Ni a pfela vhuṭungu avha vhana kha zwe vha ḥangana nazwo mafhungoni a lungano ulu? Tikedzani phindulo yaṇu nga mbuno THARU dici pfalaho. (3)

NA

TSHIBVELEDZWA TSHA G: VHURENDI HA SIALALA (TSHIKHODO)**THOVHELE MUTHUHATHONWI RAMMBUDA – TZ Ramaliba**

- 1 Ahee Rammbuda Tshiwangamatembele ahee!
- 2 Rammbuda ane luvhilo a edza luvhudu
- 3 Iwe ane arali zwo vhifha wa tsa nga matembele
- 4 Iwe ane arali zwo vhifha wa sunguvhela bakoni la Tshavhadinda
- 5 Iwe muthu ha thoñwi; hu thoñwa kholomo na mbudzi
- 6 Iwe muñuhulu wa Vele Mutumbukavhathu
- 7 Ahee Rammbuda Tshiwangamatembele ahee!

- 11.8 Talutshedzani zwine murendi a ḥoda u vhudza vhathe/vhavhali nga ipfi 'Thovhele' li re afho kha ḥoho ya tshikhodo. (2)
- 11.9 Kha mitaladzi/vese ya 1 na ya 7, murendi u shumisa tshiga '!'. Tshi buleni ni dovhe ni sumbedze mushumo watsho afho he tsha shumiswa hone. (2)
- 11.10 Ndi ufhio mulaedza une murendi a tama u u bvisela khagala nga mataladzi/vese ya 5 afho tshirendoni? (2)
- 11.11 Tshikhodo itshi tshi ḥana hani ndeme ya vhuhosha Vho Rammbuda Tshiwangamatembele? (2)
- 11.12 Ndi zwifhio zwine na nga sasalandza nga maitele a Thovhele Rammbuda ane murendi a khou a amba kha mataladzi/vese ya 3 na ya 4?
- Tikedzani phindulo yaṇu. (2)

[25]

THANGANYELO YA KHETHEKANYO YA B:

25

KHETHEKANYO YA C: DIRAMA

Fhindulani mbudziso NTHIHI i bvaho kha dirama ye na guda FHEDZI.

ULEMA HU FHIRA U LOTSHELWA – IP Demana

Fhindulani MBUDZISO YA 12 (mbudziso ndapfu) KANA MBUDZISO YA 13 (mbudziso pfufhi).

MBUDZISO YA 12: *ULEMA HU FHIRA U LOTSHELWA – MBUDZISO NDAPFU*

Muniwali u shumisa zwiwo zwo fhambanaho u bveledza muhumbulo muhulwane wa bugu ya dirama.

Sumbedzani zwiwo zwe muniwali a zwi shumisa zwo livhisaho kha u lemala ha Mashudu zwe zwa fhedza zwo vha na masiandaitwa a si avhuđi.

Vhulapfu ha maanea anu vhu vhe u bva kha maipfi a 400 u ya kha a 450.

[25]

MBUDZISO YA 13: *ULEMA HU FHIRA U LOTSHELWA – MBUDZISO PFUFHI*

Vhalani tshipida tshi tevhelaho tsho bviswaho buguni iyi uri ni do kona u fhindula mbudziso dzo disendekaho khatsho.

TSHIBVELEDZWA TSHA H

MASHUDU:	Ndi amba vhone mmawe!	
VHO-MARITA:	Ndi mini nwananga?	
MASHUDU:	Ndo vha ndi tshi do hangwa u vha vhudza. Hoyu Lufuno u tou nga ha tou fulufhedzea lini. Mulalo a tshi mmbudza u ri u tou nga o mu vhone a na muniwe musidzana. Zwino a thi divhi uri 5 ndi nga ita mini lini?	
VHO-MARITA:	Ai, mathina Lufuno wa hone o tou ita hani? Arali zwi izwo mathina a zwi dini. Inwi na inwi hafhu vhatukana vho tou dala. U mu kona inwi a ni vhuyi na mu vhudza tshithu lini; ni tou funa-vho muniwe mutukana. Ndi hone a tshi do zwi vhone uri 10 zwi kondha hani.	
MASHUDU:	Vhone vha khou amba zwe na nge nda vha ndo humbula zwone. Khamusi ndi hone a tshi do lata.	
VHO-MARITA:	Afho ngoho ni do vha no tou kona nwananga. Ho vhuya hafhu na zwikolo zwi tshi khou vala! Ndi amba ngauri tsha vala havha khotsi anu vha anzela u vha vha siho, ri nga di kunga muniwe mutukana ane na mu funa a da hafhano hayani. U do vha a tshi tou bva ngafhi?	15

MASHUDU:	Afho ngoho ri \hat{d} o vha ro kona mmawe. (<i>Mutsindo, hu dzhena Khwathisani.</i>)	20
KHWATHISANI:	(<i>U dzungudza thoho a mbo \hat{d}i sea.</i>) Vhathu vha \hat{d} o tou tambula ro lavhelesa zwino hu khou ambiwani-ha zwine ri \hat{n} e vha \hat{n} we ri tshi dzhena ha fhumulwa? Nazwino-ha, aredi ... ri \hat{d} o vhona ro lala u vuwa ri tshi shavha u lenga. Zwino vhone mmawe vha khou bikela ene Mashudu o dzula?	25
MASHUDU:	Hai, vha khou bikela inwi ni no \hat{h} e. A thi ri ndi inwi ni re na mulomo ni no \hat{h} e fhano mu \hat{d} ini?	
KHWATHISANI:	Naa ni tou vha muthu- \hat{d} e a sa vhuyi a shona o sokou tenyama kha tshidulo ngeno mme anu vha tshi khou bika? Naa vha \hat{d} o vhuya vha awela lini? Na muloi o ni lowaho o tou ni nyelisa. O ri u ni lowa a sia o ... (<i>U a sea.</i>)	30
MASHUDU:	(<i>U a sea-vho.</i>) Ni \hat{d} o tou tambula-ha. Arali hu u mmbikela vha kha \hat{d} i \hat{d} o mmbikela mme anga. Hone inwi ni vhilahela nga mini ngauri a si inwi a no bika?	
KHWATHISANI:	Ndo fanela u vhilaela ngauri inwi ni khaladzi anga nahone muthihi fhedzi. U bvafha hanu hu songo fhambanaho na ha nowa hu vho mpha muhum \hat{b} ulo wa uri ni nga si dzule vhuhadzi; zwenezwo ni vho \hat{d} o vha muhwalo wanga musi vhabebi vhashu vha sa tsha kona.	35
VHO-MARITA:	A sa \hat{d} o mala ndi inwi. N \hat{n} e wanga nwana u \hat{d} o malwa nahone nga shira. Iwe u vhona u na lambo lau wa vho li kuputshedza muriwe? Vhai \hat{n} we vhatukana hafhu ri tshi khou \hat{d} i vha vhona-vho. Izwi zwau zwi tou vha thungo na zwa vhai \hat{n} we (<i>Vha a sea.</i>)	40
KHWATHISANI:	N \hat{n} e kha vha nnditshe ndo rali. Arali ndi songo takala-vho ndi zwone; ndi khombo yanga. Ndi tshi tou sedza ndi vhona ndi na mashudu nga maanda ngauri ndi a \hat{d} ivha zwine nda $\hat{t}\mathbf{o}\mathbf{d}\mathbf{o}$ vha zwone. Ngazwo ndi tshi fanela u dzhena tshikolo nda swika hune nda $\hat{t}\mathbf{o}\mathbf{d}\mathbf{o}$ swika hone. Henefho ndi a hu \hat{d} ivha, ngazwo ndi tshi \hat{d} o swika. (<i>Hu dzhena Vho-Nefefe.</i>)	45
		50

[Luta II, Bono 1]

- 13.1 Ni vhona Mulalo mafhungoni ayo e na vhala o bveledzwa/tanwa sa muthu- \hat{d} e? Tikedzani phindulo yanu. (2)
- 13.2 Ndi tshini tshi vhangaho nndwa vhukati ha Khwathisani na Mashudu mafhungoni e na vhala? (2)
- 13.3 Mufhindulano u re hone mafhungoni e na vhala vhukati ha Vho-Marita na Mashudu wo vha na $\hat{t}\mathbf{h}\mathbf{u}\mathbf{t}\mathbf{h}\mathbf{u}\mathbf{w}\mathbf{e}\mathbf{d}\mathbf{z}\mathbf{o}$ - \hat{d} e kha vhutshilo ha Mashudu? (2)

- 13.4 Sumbedzani uri mafhongo e na vhala a na vhushaka-de na u divhulaha ha Vho-Marīta musi dirama i tshi ya u fhela. (2)
- 13.5 Mafhongo e na vhala afho nthā a sumbedza e a tshifhinga tshifhio? Ndi ngani ni tshi ralo? (2)
- 13.6 Kutshilele kwa Mashudu ku dzikusa hani vhudipfi ha Khwathisani diramani iyi? Tikedzani phindulo yanu. (2)
- 13.7 Ndi ifhio ndivho ine munwali a tama u i bveledza nga u shumisa Tsaiwani sa mubvumbedzwa diramani iyi? Tikedzani phindulo yanu. (3)
- 13.8 Sumbedzani uri Vho-Ludwevha vha fhambana hani na Vho-Marīta no sedza two bvelelaho mafhungoni a diramani iyi. (2)
- 13.9 Magumo a dirama iyi a na vhushaka-de na zwe zwa bvelela musi bugu i tshi thoma? Talutshedzani. (3)
- 13.10 U ya nga kuvhonele kwaṇu, ni vhona zwe Sara a ita zwa u vhudza Hēleni mafhongo a Mashudu na Tsaiwani two tea naa? Tikedzani phindulo yanu nga mbuno THARU. (3)
- 13.11 No vha ni tshi nga ita mini arali no diwana ni kha vhuimo ha Hēleni sa mubvumbedzwa diramani iyi? Bulani ŽWIVHILI fhedzi. (2)

[25]

TSHILWAVHUSIKU – TT Mudau

Fhindulani MBUDZISO YA 14 (mbudziso ndapfu) KANA MBUDZISO YA 15 (mbudziso pfufhi).

MBUDZISO YA 14: *TSHILWAVHUSIKU – MBUDZISO NDAPFU*

Muňwali u shumisa zwiwo zwo fhambanaho u bveledza muhumbulo muhulwane wa bugu ya ðirama.

Sumbedzani zwiwo zwe muriwali a zwi shumisa zwo livhisaho kha u sumbedza uri u kandekanya pfanelo dza vhathu zwi fhedza zwo vha na masiandaitwa a si avhuđi.

Vhulapfu ha maanea aňu vhu vhe u bva kha maipfi a 400 u ya kha a 450.

[25]

MBUDZISO YA 15: *TSHILWAVHUSIKU – MBUDZISO PFUFHI*

Vhalani tshipida tshi tevhelaho tsho bviswaho buguni iyi uri ni ðo kona u fhindula mbudziso dzo ðisendekaho khatsho.

TSHIBVELEDZWA TSHA I

DEREK:	Naa thaidzo ndi mini?	
VHO-GANGASHE:	U ri mini?	
NTSIENI:	U ri vha thuswa ngani?	
VHO-GANGASHE:	Naa u mulwadze? Ri thuswa nga mini ri tshi khou vhulahelwa vhana vhashu. Ntsieni, mu vhudzeni uri a litshe 5 u vhulaha vhana vhashu.	
NTSIENI:	Hu pfi litshani u vhulaha vhathu.	
DEREK:	Rine a ri madyavhathu. A ri dziphondi; a ri vhulahi vhathu.	
NTSIENI:	U ri ene ha vhulahi muthu.	
VHO-GANGASHE:	A songo delela. Kani o fulufhela ukwo kutanda kwe a 10 ñembeledza. Ri khou ri u khou vhulaha vhana vhashu. Vha re vhashu ri ðo vha dzhia a sala e ethe.	
DEREK:	(Kha Ntsieni.) Hu pfi mini?	
NTSIENI:	Hu pfi vhathu vha ðo vhuedzedzwa mahayani avho ngauri fhano vha a vhulahwa.	15
LUKA:	Rine ri lwa na vhathu vha no tswa khuhu dzashu. Vhenevho ri a vha fara ra vha humbudza mulayo wa Mushe. A ri vhulahi muthu.	
NTSIENI:	Hu pfi a ri vhulahi muthu. Ri tou u humbudzana nga ha mulayo wa Mushe.	20
LUMBULE:	Ñwana washu o rwiwa a ita na u lovha. Ndi wone mulayo wa Mushe uyo? Arali ri tshi ðoda u tshilisana izwo kha ri litshe u vhulaha vhana ri tshi tevhedza mulayo wa Mushe.	

NTSIENI:	Hu pfi mulayo wa Mushe u songo itisa uri vhana vha lovhe.	25
DEREK:	Zwi a pfala. A ri nga rwi vhana. Hone vha songo tswa! Hu na lithihi kheli!	
VHO-GANGASHE:	Ndi lifhio?	
NTSIENI:	(Kha Derek.) Hu pfi kha li buliwe.	
DEREK:	Ri khou humbelu u nonisa masimu ashu u guma tsini na Swongozwi. Ri humbelu uri fhungo ili li swikiswe kha vhahulwane ngauri hu tou nga ri do fa nga ndala. Ri na kholomo thanu dzine ra nga bvisa uri zwothe zwi tshimbile nga ngona.	30
NTSIENI:	U ri kholomo thanu asidzi. Ri humbelu shangonyana u tutshela ngei Swongozwi; bako uvhani lo dzhena madi, ndala yo hulela.	35
VHO-GANGASHE:	U na thuri. Riñe a si ashu haya. Ndi mafhongo a Thovhele. Riñe ro da u senga milandu zwino u vho toda u ri fhura ngä kholomo thanu. Mu vhudzeni ni ri kholomo thanu a dzi mali musadzi naho e nwana wa khaladzi a mme au.	40
NTSIENI:	(Kha Luka.) Hu pfi kholomo thanu ndi thukhu; mafhongo haya o denyefhalesa, a toda u vhudzwa Thovhele.	
LUKA:	Izwo ri do tou dzhavhula nga swili.	
DEREK:	U songo toda u ri fheta. (Kha Vho-Gangashe.) Zwo pfala, ri do amba na Khosi. Vhana a vha tsha do rwiwa. Kha ri dzule nga mulalo.	45

[Luča II, Bono V]

- 15.1 Ni vhona Luka mafhungoni ayo e na vhala o sumbedzwa sa muthu-de? Tikedzani phindulo yanu nga mbuno MBILI fhedzi. (2)
- 15.2 Ndi zwifhio zwi vhangaho nndwa vhukati ha Derek na Vho-Gangashe mafhungoni e na vhala? Bulani ZWIVHILI fhedzi. (2)
- 15.3 Nyambedzano i re afho nthä mafhungoni e na vhala i na thuthuwedzo-de kha zwe zwa fhedza zwo bvelela shangoni la Swongozwi? Talutshedzani. (2)
- 15.4 Ndi zwifhio zwe zwa vhangwa nga u rwiwa ha Ntsieni nga maforotereke diramani iyi? Bulani ZWIVHILI. (2)
- 15.5 Mafhongo e na vhala afho nthä a sumbedza e a tshifhinga tshifhio? Ndi ngani ni tshi ralo? (2)
- 15.6 Kutshilele kwa maforotereke ku kwama hani vhudipfi ha Khosikhulu Thovhele Tshilwavhusiku diramani iyi? Tikedzani phindulo yanu. (2)

- 15.7 Ndi ifhio ndivho ine muñwali a tama u i bveledza nga u shumisa maforoñereke ñiramani iyi? Tikedzani phindulo yanu. (3)
- 15.8 Sumbedzani uri Vho-Nyaphophi vha fhambana hani na Łedia no sedza two bvelelaho mafhungoni a ñiramani iyi. (2)
- 15.9 Magumo a ñirama iyi a na vhushaka-de na zwe zwa bvelela musi bugu i tshi thoma? Talutshedzani. (3)
- 15.10 U ya nga kuvhonele kwanu, ni vhona zwe Ntsieni a rwelwa zwone musi kholomo yo raha khamelo ya mafhi a tehuwa two tea naa? Tikedzani phindulo yanu nga mbuno THARU. (3)
- 15.11 No vha ni tshi nga ita mini arali no ñiwana ni kha vhuimo ha Vho-Mmbangiseni nga murahu ha musi ñwana wavho o rwiwa nga maforoñereke a fhedza o lovha? Bulani ZWIVHILI fhedzi. (2)
- [25]

**THANGANYELO YA KHETHEKANYO YA C:
MARAGAGUTE:**

25
80